



**TATA IBADAH PARNAIK NI TUHAN JESUS  
GKPS P.BULAN-RESORT POLONIA MEDAN**

**Kamis, 21 MEI 2020**

Live streaming: [www.gkpspadangbulan.com/tv](http://www.gkpspadangbulan.com/tv)

Tata Ibadah: <http://www.gkpspadangbulan.com/tatib>



Haganupan Malekat-Ni manlioti paratas-Ni.  
Pasangapkon Raja in, Pasangapkon Raja in.  
Na humbabou markuasa harajaon i tanohta.  
Mangirikkon titah-Nin, mangirikkon titah-Nin

**1. *Votum-Introitus-Tonggo***

**P.** Ibagas goran ni Naibata Bapa pakon Tuhan Jesus Kristus ampa Tonduy Napansing sitompa langit pakon tanoh on. Amen. “ Jahowa do Raja, marpaheian hamuliaon do Ia. Marpaheian anjaha margonditkon hagogohon do Jahowa. Tongon, ipajonam do dunia on, seng anjai dugur. Totap do paratas-Mu humbani nabasaia, humbani mula ni mulani domma dong Ham” Hu Bani do galangkononnami goluhnami, hubani Naibata na talup sombahon pakon pujion ronsi sadokah ni dokahni. Halleluya,Halleluya,Halleluya.

**P+K (Mandodingkon)** Halleluya,Halleluya,Halleluya

**P.** Martonggo ma hita. Ham Tuhan Naibata Parkuasa ibagas Jesus Kristus na dob naik hu nagori atas. Pujionnami do Ham na markuasa janah na marhotak i harajaon-Mu. Ham do Naibata Jahowa na marmulia janah pintor, Raja ni sagala raja na markuasa bani sagala na adong. Roh do nuan hanami marsambah hu Bamu. Martarimakasih do hanami halani holong pakon hasintongan-Mu na totap talar i tongah-tongah ni dunia on. Ham Tuhan Sitompa sagala na dob adong pakon na adong nuan sonai na sihol adong ope, pujionnami do Ham janah padaskon tonggo hatarimakasihonnami bani sagala na dob ilayakkon Ham hubannami. Jalo Ham ma tonggo ampa parsombahonnami Ham Tuhan Naibata Alpa pakon Omega, Naibata na Pansing janah totap ronsi sadokah ni dokahni. Amen.

**2. *Mandoding No. 79:1-3***

Jesus Kristus in do Raja, ipabangkit Naibatanta  
Manggongomi hajojor, manggongomi hajojor,  
Janah ganup hajolmaon, ningon Bani do mar Tuhan  
lakuhon in botul, iakuhon in botul

Naibatanta sahalak-Si, Jesus hansa usihan-Ni.  
Anak pakon Bapa in, Anak pakon Bapa in.  
Seng be morot paratas-Ni, seng marsibar be goluh-Ni.  
Tong do gomgomon-Ni in, tong do gomgomon-Ni in.

**3. *Hasasapan ni Dousa***

**P.** Bani na ipestahon hita nuan pardingatan Parnaik ni Tuhan Jesus Kristus, isadari hita do paboa pardalanan ni goluhta hotop do pataridahkon na hurang porsaya hita bani kuasa-Ni ibagas na mandompakkon dunia on. Halani ai dear ma haganupan hita mangaku janah mansopotkon dousanta i lobei ni Tuhanta pasal haporsayaonta na gati lang sadalan pakon pargoluhanta. Martonggo ma hita.

Roh do hanami nuan manrogop janah marsambah i lobei-Mu Ham Tuhan Naibata paridop ni uhur bani ari na marsangap on, mangakakuhon pakon mansopotkon dousa hurangni haporsayaonnami hu Bamu. Tongtong do idodingkon hanami pasal hagogohon ni kuasa-Mu bani ganup na tinompa-Mu, tapi pandalankononnami hotop do pataridahkon hira na so adong kuasa-Mu dampak na masa na idompakkon hanami khususni bencana pandemic Covid-19 nuan on. Ham Tuhan, urupi Ham ma hanami ase totap porsaya janah martenger ni uhur bani kuasa ampa hagogohon-Mu mangatasi sagala na masa janah ase totap hanami marpangarapan dampak hagoluhan na totap na dob ipasirsir Ham bannami. Amen.

Tangar anjaha haporsayai hita ma Hata ni Naibata, bagah-bagah pasal hasasapan ni dousa.

“Ia do pardearan pasaloseihon sagala dousanta, tapi seng pitah dousanta, tapi dihut do dousa ni haganup dunia on.”(1 Joh.2:2). Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangaponma bani Naibata i babou.

**P+K** Amen

#### **4. Doding Haleluya No. 235: 1+2+4**

Na mungkab do surga, iben aha do  
Ibaen na roh Jesus mengungkap bamu  
Ibaen na roh Jesus mengungkap bamu

Itaron dousamu, i Golgata in;  
Ijin do salosei ganup utangmin  
Ijin do salosei ganup utangmin

'Ge songon hasumba, gerger dousamin;  
Ganupan isasap Tuhanta do in.  
Ganupan isasap Tuhanta do in.

#### **5. Hata Haporsayaan**

**P.** Saksihon hita ma haporsayaonta in, songon na sinaksihon ni haganup  
halak na porsaya bani sab tanoh on!

**P+K** Ahu porsaya bani Naibata Bapa, Pargogoh na so tarimbang, na  
manompa langit pakon tanoh on. Ahu porsaya bani Jesus Kristus, Anak  
ni Naibata na sasada in, in do Tuhanta, na tinubuhkon ni si Maria  
sanggah nape haliaban, marhitei Tonduy Na Pansing. Na manaron na  
parngit, bani panorang ni si Pontius Latus, iparsilangkon, matei anjaha  
itanom, turun hu nagori toruh. Mulak manggoluh hambani na matei  
bani ari patoluhon. Naik hu surga anjaha hundul i siamun ni Naibata  
Bapa, Pargogoh na so tarimbang in. Hunjai ma la mulak magira laho  
manguhumi halak na manggoluh pakon na dob matei. Ahu porsaya bani  
Tonduy Na Pansing, bani Kuria parsadaan na mapansing in, parsaoan ni  
sagala na mapansing in, bani hasasapan ni dousa, bani parpuhoon ni  
angkula, pakon bani hagoluhan na sadokah ni dokahni. Amen.

#### **6. Doding Haleluya No. 243:1+3+4**

Marigat langit ni langit iben holongni uhur-Mu  
Bannami ganup naboritan, patalar Ham ma holong-Mu  
Ildidah jolma haganupan pangisi ni dunia on  
Ai roh do ham tongon, o Tuhan, mangkompok ganup jolma on

Tarima kasih ma uhurhu Bamu, o Jesus Tuhankin!  
Salosei do ganup dousangku, halani parmateri-Mu in  
Maluah hambai hamagouan, au on ibaen holong-Mu in  
Hupuji goran-Mu, o Tuhan, sadokah ni dokahni in

Sai ham ma tong simada ahu, sadokah au itanoh on  
Sai tong dear ma parlahouhu, pasangap Goran-Mu tongtong  
Binahen-Mu sai usihanku, manghaholongi jolma in  
Galangknononku ma diringku, lao mangusihi Tuhankin

#### **7. Ambilan : Markus 16:15-20 ; Pdt.Manner Saragih,STh.,MA.**

#### **8. Galangan**

**P.** Paima iondoskon hita galanganta, tangar hita ma lobei Hata ni Naibata na  
gabe onjolan banta laho manggalang, aima na tarsurat bani: Psalmen  
50:14: "Galangkon ma banggal ni uhur bani Naibata, anjaha galari ma  
bagah-bagahmu bani Sitimbulan in".

#### **299. Domma Ihopkop Tuhanku Tonduyhu**

Domma i hopkop Tuhanku tonduyhu ase maluah tonduyhu tongtong  
Domma isasap Tuhanku dousangku ase manggoluh tonduyhu tongtong  
Malas uhurhu megah uhurhu lao pasangapkon Tuhan bai goluhkon.  
Nai ma hapeni holongni ateiNi hita pe patut marholong tongtong

Domma ipilih Tuhanta ge hita, lao manaksihon holongni tongtong.  
Domma isuruh Tuhanta ge hita, lao mangkatahon Hata-Ni tongtong.  
Laho ma hita misir ma hita, mangambilankon Tuhan parholong in.  
Ase maluah homa hasomanta, gabe manggoluh bai Tuhanta in.

#### **9. Tonggo Pakon Doding Galangan**

**Prb.** Ham Tuhan Naibata Bapanami, paridop ni uhur, harohan ni sagala pasu-  
pasu. Tarima kasih ma isombahkon uhnami hu Bamu halani hun  
Bamu do ijalo hanami pasu-pasu na gokan dear pakon na laingan. Bani  
panorang on isombahkon hanami do hu Bamu na gabe galangannami,  
dirinami pakon hambani hinadongannami na dob binere- Mu in. Pasu-  
pasu Ham ma galangan na sinombahkonnami on, gabe galangan na

mapansing, na mambahen harajaon-Mu lambin marhataridahan i dunia on. Ungkab Ham ma uhurnami marhitei Tonduy- Mu, ase lambin ididah, ibotoh janah ihamalaskon uhurnami buei ni silayak-layak-Mu, na dob ijalo hanami pakon na sihol bereon-Mu ope hu bannami. Ajari Ham ma hanami laho mangondoskon galangannami na patut galangkononnami hu Bamu. Jalo Ham ma galangan pakon tonggo elek-eleknami on, ibagas Jesus Kristus Tuhannami. Amen.

**Prb+K** (*Mandodingkon*) Haleluya No. 12:3  
Tonduy, daging uhur ampa gogohniin.  
Ulang bai na sambor, sai Bamu ma in!  
Ningon gok Bamu ma au hinopkop-  
Mu. Ase saud martuah au jabolon-  
Mu.

### **10. Tonggo Panutup**

Prb. Ham Tuhan Jesus Kristus, na dob naik hu nagori atas janah hundul i siamun ni Naibata Bapa in. Malas do uhurnami mardingat na dob saud do haganup sura-sura ni Naibata Bapa laho mambere haluahon hubani dunia on aima marhitei na dob saud Ham naik hu nagori atas mulak hubani hasangapon-Mu. Domma ipabangkit Ham gabe Raja ni sagala raja janah gabe Malim Bolon mangapiti sagala na porsaya, ase parrupei bani hagoluhan na sodakah ni dokahni. Pargogohi Ham ma hanami kuria-Mu ase totap mangarap janah marhaporsayaon hu Bamu. Pasu-pasu Ham ma homa sagala horja ni kuria-Mu, ase lambin doras parrarat ni harajaon-Mu. Maidop ma uhur-Mu, jalo Ham ma tonggonami on, ibagas Jesus Kristus Tuhannami.

### **11. Tonggo Ham Bapanami**

**Prb.** Ham Bapanami na i nagori atas. Sai na papansing ma Goran-Mu. Sai roh ma harajaon-Mu. Sai saud ma harusuh ni uhur-Mu i nagori tongah on songon na i nagori atas. Bere Ham ma bannami sadari on hagoluhan ari- ari. Sasap Ham ma dousanami songon panasapnami bani dousa ni hasoman na mardousa dampak hanami. Ulang hanami bobai Ham hu parlajouan. Paluah Ham ma hanami humbani pangagou.

**Prb+K** (*Mandodingkon*) Ai Ham do simada harajaon, pakon hagogohon ampa hasangapon sadokah ni dokahni. Amen

### **12. Paingkatkon**

**Prb.** Laho ma nasiam, janah “papansing nasiam ma Kristus Tuhan in ibagas uhurnasiam, tongtong ma nasiam sirsir patorangkon bani haganup halak na manungkun nasiam pasal onjolan ni pangarapan nasiam” (1 Petrus 3:15).

### **13. Pasu-pasu :**

**Prb.** Jalo ham (hita) ma pasu-pasu humbani Tuhan Naibatanta: Ipasu-pasu anjaha iparorot Tuhan Naibata ma ham (hita). Isondangkon Tuhan Naibata ma bohi-Ni hu bamu (hu banta) janah maidop ma uhur-Ni mangidah ham (hita). Idompakkon Tuhan Naibata ma bohi- Ni hu bamu (hu banta) janah ipasorap ma damei-Ni bani tonduymu (tonduyta bei). Amen.

**Prb+K** (*Mandodingkon*) Amen...Amen....Amen